



যুক্তরাষ্ট্র পররাষ্ট্র দফতর
ব্যরো অব কনসুলার অ্যাফেয়ার্স

ডাইভারসিটি অভিবাসন ভিসা কর্মসূচী ২০০৯ (ডিভি-২০০৯)-এর নিয়মাবলী

যুক্তরাষ্ট্র কংগ্রেস কর্তৃক অনুমোদিত ডাইভারসিটি অভিবাসন ভিসা (ডিভি) কার্যক্রম যুক্তরাষ্ট্র পররাষ্ট্র দফতর প্রতি বছর পরিচালনা করে। 'অভিবাসন ও জাতীয়তা আইন' (আইএনএ)-এর ২০৩ (গ) ধারার শর্তাবলীর অধীনে এই কার্যক্রম পরিচালিত হয়ে থাকে। "ডাইভারসিটি ইমিগ্রেশন্ট্স" (ডিভি ইমিগ্রেশন্ট্স বা ডিভি অভিবাসী) হিসেবে পরিচিত একটি নতুন শ্রেণীর অভিবাসী মর্যাদা প্রদান করার জন্য অভিবাসন আইন ১৯৯০-এর (পাবলিক ল ১০১-৬৪৯) ১৩১ নম্বর ধারা-য় 'আইএনএ' ২০৩ সংশোধন করা হয়। যেসব দেশ থেকে যুক্তরাষ্ট্রের অভিবাসনের হার কম, এই আইন অনুযায়ী সেসব দেশ থেকে প্রতি বছর ৫৫ হাজার লোককে যুক্তরাষ্ট্রে স্থায়ীভাবে বসবাসের ভিসা দেয়ার ব্যবস্থা রয়েছে।

বার্ষিক ডিভি কার্যক্রমে স্থায়ী ভিসা দেয়া হয় তাদেরই ধারা সহজ, অথচ কঠোরভাবে পালনীয় ক্রিয় শর্ত পূরণ করতে পারেন। ডাইভারসিটি ভিসার আবেদনকারীদের কম্পিউটারের মাধ্যমে লটারিতে কোন প্রকার বাছ বিচার না করে নির্বাচন করা হয়। ভিসাগুলো বন্টন করা হয় ছয়টি ভৌগোলিক অঞ্চলের মধ্যে; সবচেয়ে বেশি সংখ্যক ভিসা পাবে সেই ভৌগোলিক অঞ্চল, যেখান থেকে যুক্তরাষ্ট্রে অভিবাসনের হার সবচেয়ে কম। যেসব দেশ থেকে বিগত পাঁচ বছরে ৫০ হাজারের বেশি নাগরিক যুক্তরাষ্ট্রে অভিবাসী হয়ে গেছে, তারা এই ভিসা পাবে না। একটি ভৌগোলিক অঞ্চলের কোন দেশ কোন একটি বছরে যতগুলো ডাইভারসিটি ভিসা দেয়া হবে তার সাত শতাংশের বেশি সংখ্যক ভিসা পাবে না।

যে সকল দেশ* বিগত পাঁচ বছরে যুক্তরাষ্ট্রে মোট ৫০,০০০ হাজারেরও বেশি অভিবাসী প্রেরণ করেছে সে সকল দেশের বাসিন্দারা ডিভি-২০০৯ কার্যক্রমে আবেদন করতে পারবে না। সেই দেশগুলো হলো:

আজিল, কানাডা, চীন (মূল ভূ-খণ্ডে জন্মগ্রহণকারী), কলম্বিয়া, ডমিনিকান প্রজাতন্ত্র, এল সালভাদর, হাইতি, ভারত, জ্যামাইকা, মেক্সিকো, পাকিস্তান, ফিলিপাইন, পেরু, পোলান্ড, রাশিয়া, দক্ষিণ কোরিয়া, যুক্তরাজ্য (উক্তরাষ্ট্রের আয়ারল্যান্ড বাদে) এবং এর অধীন অঞ্চলসমূহ, এবং ভিয়েন্টনাম। হংকং এসএআর, ম্যাকাও এসএআর, এবং তাইওয়ানে জন্মগ্রহণকারীগণ আবেদন করতে পারবেন।

যুক্তরাষ্ট্র পররাষ্ট্র দফতর ২০০৫ সাল থেকে ইলেক্ট্রনিক পদ্ধতিতে ডিভি আবেদন পদ্ধতি প্রবর্তন করেছে যাতে আবেদন পদ্ধতি আরও কার্যকর ও নিরাপদ হয়। যারা জালিয়াতির মাধ্যমে অবৈধ অভিবাসন করতে চান বা একের অধিক আবেদন পাঠিয়ে থাকেন তাদের সনাক্ত করার জন্য এই দফতর বিশেষ কারিগরী ও অন্যান্য পদ্ধতি ব্যবহার করে থাকে।

ডাইভারসিটি ভিসা রেজিষ্ট্রেশনের সময়সীমা

৩ রা অক্টোবর, ২০০৭ থেকে ২ রা ডিসেম্বর, ২০০৭ মধ্যে ডিভি-২০০৯ ডাইভারসিটি ভিসা লটারির আবেদনপত্র ইলেক্ট্রনিক্যালি পাঠাতে হবে। ডাইভারসিটি ভিসার আবেদনের ইলেক্ট্রনিক ফর্ম আবেদনকারীরা এই সময়ের মধ্যে 'www.dvlottery.state.gov' এই ঠিকানায় পাবেন। কাগজে কোন আবেদনপত্র গৃহীত হবে না। আবেদনকারীদের বিশেষভাবে উৎসাহিত করা হচ্ছে যাতে তারা আবেদন করার জন্যে সময়সীমার শেষ সন্তান পর্যন্ত অপেক্ষা না করেন। শেষ মুহূর্তের অত্যাধিক চাহিদার কারণে আপনার আবেদন গৃহীত না ও হতে পারে। ২ রা ডিসেম্বর, ২০০৭ এর পরে আর কোন আবেদনপত্র এহণ করা হবে না।

* এই নোটিসে "দেশ" শব্দটির মাধ্যমে সেই অঞ্চল বোঝানো হয়েছে "যে সব দেশের নাগরিক, আবেদন করার যোগ্য অঞ্চল ভিত্তিতে সেই সব দেশের তালিকা" তে দেওয়া হয়েছে।

আবেদনপত্র প্রেরণের শর্তসমূহ

- আবেদনকারীকে অবশ্যই ১৭ বর্ষর পৃষ্ঠায় তালিকাবদ্ধ দেশগুলোর একটির বাসিন্দা হতে হবে। “যে সকল ভৌগোলিক অঞ্চলের দেশগুলোর বাসিন্দা আবেদন করার যোগ্য তাদের তালিকা” দেখুন।
- যে দেশের বাসিন্দা আবেদন করার যোগ্য: অধিকাংশ ক্ষেত্রে এর অর্থ হলো আবেদনকারী যে দেশে জন্মগ্রহণ করেছেন। যদি কোন ব্যক্তি এমন কোন দেশে জন্ম গ্রহণ করে থাকেন যার বাসিন্দারা আবেদন করার অযোগ্য কিন্তু তার স্বামী/স্ত্রী যে দেশে জন্মগ্রহণ করেছেন তাকে নিজের বলে দাবী করতে পারেন এবং সে ক্ষেত্রে আবেদনকারী ও তার স্বামী বা স্ত্রীকে যুগপৎ যুক্তরাষ্ট্র প্রবেশের ভিসা দেয়া হবে। যদি কোন ব্যক্তি এমন কোন দেশে জন্মগ্রহণ করে থাকেন যার বাসিন্দারা আবেদন করার অযোগ্য, কিন্তু তার পিতা বা মাতা সেখানে জন্মগ্রহণ করেননি বা তার জন্মের সময় সেখানকার অধিবাসী ছিলেন না, সেই ব্যক্তি তার পিতা বা মাতা যে দেশে জন্মগ্রহণ করেছেন, নিজেকে তার অধিবাসী হিসেবে দাবী করতে পারেন।
- আবেদনকারীকে অবশ্যই ডিভি প্রোগ্রামের শিক্ষাগত বা পেশাগত যোগ্যতার শর্ত পূরণ করতে হবে।

শিক্ষাগত অথবা পেশাগত যোগ্যতা: একজন আবেদনকারীর অবশ্যই প্রাথমিক ও উচ্চ মাধ্যমিক স্তর-রের অথবা এর সমানের শিক্ষা অর্থাৎ ১২ বছরের শিক্ষাক্রম সাফল্যের সংগে সমাপ্ত করতে হবে। অথবা তার বিগত পাঁচ বছরে এমন কোন কাজে দুই বছরের কাজের অভিজ্ঞতা থাকতে হবে যাতে দুই বছরের প্রশিক্ষণ বা কাজের অভিজ্ঞতার দরকার হয়। কোন কোন কাজের অভিজ্ঞতা যোগ্য বলে বিবেচিত তা নির্ণয়ের উদ্দেশ্যে যুক্তরাষ্ট্র শ্রম দফতরের O*net online database ব্যবহার করা হবে। যোগ্য কারিগরী অভিজ্ঞতা সম্পর্কিত তথ্যের জন্য প্রশ্নোত্তর পর্বের ১৩ নং উক্ত দেখুন।

যদি আবেদনকারী এই সব শর্ত পূরণ না করেন তাহলে তার ডিভি কার্যক্রমে আবেদনপত্র পাঠানোর দরকার নেই।

ডিভি-২০০৯ কর্মসূচীতে আবেদনপত্র পাঠানোর পদ্ধতি

- আগামী ৩ রা অক্টোবর, ২০০৭ থেকে শুরু হওয়া ৬০ দিনব্যাপী রেজিস্ট্রেশন সময়কালের মধ্যে যুক্তরাষ্ট্র পররাষ্ট্র দফতর কেবলমাত্র সে সম্পত্তি ডাইভারসিটি ভিসা আবেদনপত্রই গ্রহণ করবে যেগুলো ইলেক্ট্রনিক-ভাবে পাঠানো হবে। ইলেক্ট্রনিক ডাইভারসিটি ভিসা (ইডিভি) আবেদনপত্র পাঠানোর ঠিকানা: www.dvlottery.state.gov ২০০৭ সালের ৩ রা অক্টোবর ‘ইস্টার্ন স্ট্যাভার্ড টাইম’ দুপুর ১২টা (গ্রিনিচ মান সময় -৫টা) থেকে অনলাইনে ডিভি-র আবেদনপত্র পাওয়া যাবে। আবেদনপত্র জমা দেয়ার শেষ সময় ২০০৭ সালের ২ রা ডিসেম্বর তারিখের ‘ইস্টার্ন স্ট্যাভার্ড টাইম’ দুপুর ১২টা (গ্রিনিচ মান সময় -৫টা)।
- কোন আবেদনকারীর কাছ থেকে একাধিক আবেদনপত্র পাওয়া গেলে তার সব আবেদনপত্র বাতিল হয়ে যাবে, তার পক্ষ হয়ে যেই আবেদনপত্র জমা দিন না কেন। আবেদনকারীরা তাদের আবেদনপত্র নিজেরাই প্রস্তুত করে পাঠাতে পারেন অথবা তাদের হয়ে অন্য কেউ তা পাঠাতে পারেন।
- একটি সম্পূর্ণ ইলেক্ট্রনিক ডিভি লটারির আবেদনপত্র বা ‘ইডিভি’ পাবার পর পরই পররাষ্ট্র দফতর এর প্রাপ্তি স্বীকার করে আবেদনকারীকে একটি নোটিশ পাঠাবে যেখানে আবেদনকারীর নাম, জন্ম তারিখ, দেশের নাম ও দিন /তারিখের স্ট্যাম্প

থাকবে । আবেদনকারী এই প্রাপ্তি স্বীকার ওয়েব ব্রাউজারের থ্রিন্ট ফাংশন ব্যবহার করে প্রিন্ট নিয়ে নিজের রেকর্ডের জন্য রাখতে পারেন ।

- কাগজে পাঠানো কোন আবেদনপত্র গৃহীত হবে না ।
- প্রয়োজনীয় ছবি সংযুক্ত করা না হলে আবেদনপত্র বাতিল হয়ে যাবে । আবেদনকারী, তার স্বামী/ স্ত্রী, ২১ বছর বয়সের নিচে নিজের সকল ছেলেমেয়ে এবং দত্তক নেয়া ছেলেমেয়ে ও সৎ ছেলেমেয়েসহ প্রত্যেক সন্তানের, এমনকি তারা যদি আবেদনকারীর সংগে নাও থাকে, অথবা ডিভি কর্মসূচীর আওতায় তাদের যদি অভিবাসন গ্রহণের ইচছা নাও থাকে, তাহলেও তাদের প্রত্যেকের সম্পত্তি তোলা ছবি আবেদনপত্রের সংগে সংযুক্ত করতে হবে ।

এই আবেদনপত্রের সাথে কেবলমাত্র সেই সন্তানের ছবি দিতে হবে না যে ইতিমধ্যেই যুক্তরাষ্ট্রের নাগরিক অথবা সেখানকার একজন বৈধ স্থায়ী অধিবাসী ।

পরিবারের গ্রন্থ ছবি গ্রহণযোগ্য হবে না; পরিবারের প্রত্যেক সদস্যের আলাদা আলাদা ছবি থাকতে হবে । সুতরাং, প্রত্যেক আবেদনকারী, তার স্বামী/স্ত্রী, এবং প্রত্যেক সন্তানের একটি করে কম্পিউটার ফাইলের প্রয়োজন হবে যেখানে তাদের প্রত্যেকের ডিজিটাল ফটো থাকবে যা ‘ইডিভি’ আবেদনপত্রের সাথে অনলাইনে জমা দিতে হবে ।

- আবেদনকারী, তার স্বামী/স্ত্রী, এবং প্রত্যেক সন্তানের একটি করে ডিজিটাল ছবি অবশ্যই ই-ডিভি এন্ট্রি ফর্মের সাথে জমা দিতে হবে । এই ছবির ফাইলটি একটি নতুন ডিজিটাল ফটোগ্রাফ-এর হতে পারে বা কোন ডিজিটাল স্ক্যানার দিয়ে ছবি স্ক্যান করেও ছবি পাঠানো যেতে পারে ।
- জমা দেয়া ডিজিটাল ছবিসমূহ যদি নিম্নলিখিত নির্দেশাবলী ও নীতিমালা অনুযায়ী না হয়, তাহলে এই নতুন সিস্টেম স্বয়ংক্রিয়ভাবেই ‘ইডিভি’ আবেদনপত্র প্রত্যাখ্যান করবে এবং আবেদনপত্র প্রেরণকারীকে জানিয়ে দেবে ।

ডিজিটাল ছবি জমা দেয়ার নিয়ম

ডিজিটাল ছবির ইমেজ গঠনগত ও কারিগরীগত নিয়মাবলী পূরণ করে নিম্নলিখিত দুই উপায়ে করা যেতে পারে :

- নতুন ডিজিটাল ফটোগ্রাফ তোলা যাবে ।
- কোন ডিজিটাল স্ক্যানার দিয়ে ছবি স্ক্যান করেও ছবি পাঠানো যাবে ।

গঠনগত নিয়মাবলী: জমা দেয়া ডিজিটাল ইমেজ নিম্নলিখিত নিয়মাবলী পূরণ করতে হবে অন্যথায় আবেদনপত্র বাতিল হয়ে যাবে ।

- **মাথার অবস্থান**
 - আবেদনকারী, তার স্বামী/ স্ত্রী, বা সন্তানকে ক্যামেরার দিকে সরাসরি মুখ করে ছবি তুলতে হবে ।
 - ছবি তোলার সময় মাথা উপরের দিকে তুলে বা নীচের দিকে নামিয়ে বা ডানে-বামে কাত করা চলবে না ।
 - মাথা ছবির ৫০ শতাংশ এলাকা জুড়ে থাকতে হবে ।
- **পটভূমি**
 - সাদা বা হালকা রঙের পটভূমিতে ছবি তুলতে হবে ।
 - কালো অথবা খুব গাঢ়, বা কোন নকশা করা বা জাঁকাল পটভূমিতে তোলা ছবি গ্রহণযোগ্য হবে না ।
- **ফোকাস**
 - ছবিতে ব্যক্তির মুখ ফোকাসের মধ্যে তাকতে হবে, না থাকলে তা গ্রহণযোগ্য হবে না ।

- **সাজসজ্জার উপকরণ**
 - গাঢ় রঙের চশমা পরে বা চেহারার মধ্যে অন্য কিছুতে মনোযোগ আকৃষ্ট করে এমন কোন কিছু পরে তোলা ছবি গ্রহণযোগ্য হবে না।
- **ম্যাটকারণী এবং টুপি**
 - ধর্মীয় বিশ্বাসের কারণে মাথা ঢাকা বা হ্যাট পরা ছবি গ্রহণযোগ্য; কিন্তু তা কোনক্রমেই আবেদনকারীর মুখ্যমন্ডলের কোন অংশকে আড়াল করলে চলবে না। উপজাতীয় বা ধর্মীয় নয় এমন কোন ম্যাটকারণীসহ ছবি গ্রহণযোগ্য নয়। সামরিক বাহিনী, বিমান কোম্পানি বা অন্য কোন প্রকারের হ্যাট পরা ছবি গ্রহণ করা হবে না।

ছবির গঠন

রঙিন ছবি (24 bit color depth) অধিকতর গ্রহণযোগ্য। তবে সাদা কালো অথবা ধূসর ছবি (24 bit color depth) গ্রহণ করা যাবে। ছবি ক্যামেরায় তুলে অথবা স্ক্যানারের মাধ্যমে কম্পিউটারে ডাউনলোড করা যাবে। আপনি যদি স্ক্যানার ব্যবহার করেন তার সেটিং true color অথবা 24 bit color ফর্মে থাকতে হবে। রঙিন, সাদা কালো অথবা ধূসর ছবি অবশ্যই উপরে উল্লেখিত নিয়মাবলী অনুসরণ করে করতে হবে। সাদা কালো বা ধূসর ছবির স্ক্যানিং এর ক্ষেত্রে 24 bit color mode এ শুধুমাত্র তিনটি রং বা ইমেজ ব্যান্ডস ব্যবহার করে হয়ে থাকে, এবং এর ফলে ছবি সাদা কালো এবং ধূসর-ই থাকবে। নিম্নে বিস্তারিত স্ক্যানিং পদ্ধতি দেখুন:

কারিগরীগত নিয়মাবলী

- **নতুন ডিজিটাল ফটোগ্রাফ তোলা**। যদি নতুন ডিজিটাল ছবি তোলা হয় তবে তা নিম্নলিখিত নিয়মাবলী অনুযায়ী হতে হবে নতুন সিস্টেম স্বয়ংক্রিয়ভাবে ইডিভি আবেদন বাতিল করবে এবং প্রেরককে জানিয়ে দেবে।

- **ইমেজ ফাইল ফরম্যাট:** ডিজিটাল ছবিটি অবশ্যই “জয়েন্ট ফটোগ্রাফিক এক্সপার্টস এন্ট্রি” (জেপিইজি) ফরম্যাটে হতে হবে।
- **ইমেজ ফাইল সাইজ:** ছবির সর্বোচ্চ যে আকার গ্রহণ করা হবে তার মাপ হতে হবে বাষ্পিত্ব হাজার পাঁচশ' (৬২,৫০০) বাইট।
- **ইমেজ ফাইল রিজোলুশন:** রিজোলুশন অবশ্যই দৈর্ঘ্যে ৩২০ পিক্সেল এবং প্রস্থে ২৪০ পিক্সেল হতে হবে।
- **ইমেজ কালার ডেপ্থ:** ২৪-bit কালার হতে হবে।
[মনোক্রোম ইমেজ (২-bit color depth), ৮-bit কালার অথবা ৮-bit গ্রেস্কেল গ্রহণ করা হবে না।]

- **ছবি স্ক্যান করা**। ছবি স্ক্যান করার আগে ছবির নিম্নলিখিত নিয়মাবলী পূরণ করতে হবে।

- **প্রিন্ট সাইজ** ছবির প্রিন্ট-এর মাপ অবশ্যই ২ ইঞ্চি X ২ ইঞ্চি (৫০মি.মি X ৫০ মি.মি.) হতে হবে।
- **প্রিন্ট কালার** ছবিটি অবশ্যই রঙিন অথবা ‘ধূসর’ (গ্রেস্কেল) হতে হবে।

ছবি স্ক্যান করার জন্য ছবির আকৃতি, প্রিলেটের রং, গঠনগত বৈশিষ্টের ক্ষেত্রে নিম্নলিখিত নিয়মগুলো পূরণ করতে হবে।

- স্ক্যানার রিজোলুশন:** প্রতি ইঞ্চিতে ১৫০ ডট (ডিপিআই) রিজোলুশনে ছবিটি স্ক্যান করতে হবে।
- ইমেজ ফাইল ফরম্যাট:** ছবিটি অবশ্যই “জয়েন্ট ফটোগ্রাফিক এক্সপার্টস ফার্ম্যাট” (জেপিইজি) ফরম্যাটে হতে হবে।
- ইমেজ ফাইল সাইজ:** ছবির সর্বোচ্চ যে আকার গ্রহণ করা হবে তার মাপ হতে হবে ‘বাষ্পি হাজার পাঁচশ’ (৬২,৫০০) বাইট।
- ইমেজ রিজোলুশন:** রিজোলুশন প্রস্তুত ৩০০ পিক্সেল এবং দৈর্ঘ্যে ৩০০ পিক্সেল হতে হবে।
- ইমেজ কালার ডেপ্থ:** ২৪-bit কালার হতে হবে।
[মনোক্রোম ইমেজ (২-bit color depth), ৮-bit কালার অথবা ৮-bit গ্রেস্কেল গ্রহণ করা হবে না।]

জমা দেয়া ডিজিটাল ছবিসমূহ যদি উপরে উল্লেখিত নির্দেশাবলী ও নীতিমালা অনুযায়ী না হয়, তাহলে আবেদনপত্র অযোগ্য হিসেবে বিবেচিত হবে।

আবেদনপত্র

ডিভি-২০০৯ লটারিতে আবেদনপত্র পার্টানোর একটিই মাত্র পথ আছে। আবেদনকারীদেরকে অবশ্যই ইলেক্ট্রনিক ডাইভারসিটি ভিসা (ইডিভি) আবেদনপত্র জমা দিতে হবে যা পাওয়া যাবে এই ঠিকানায়: www.dvlottery.state.gov সকল তথ্য সম্পূর্ণ এবং সঠিক না হলে আবেদনপত্র বাতিল হয়ে যাবে। EDV অবেদনপত্রে নিম্নলিখিত তথ্য দিতে হবে।

১. **পুরো নাম:** নামের শেষাংশ/পারিবারিক নাম, প্রথম অংশ, মাঝের অংশ
২. **জন্ম তারিখ:** দিন, মাস, বছর
৩. **লিঙ্গ:** পুরুষ অথবা নারী
৪. **জন্মস্থান:** কোন শহরে জন্ম হয়েছে
৫. **আবেদনকারী যে দেশে জন্ম গ্রহণ করেছে:** আবেদনকারী যে দেশে জন্ম গ্রহণ করেছে সেই দেশের বর্তমানে প্রচলিত নাম উল্লেখ করতে হবে।
৬. **যে যোগ্য ভৌগোলিক অঞ্চলের দেশের বাসিন্দা তার নাম**। আবেদনের জন্য যোগ্যতাসম্পন্ন দেশ যদি আবেদনকারী যে দেশের অধিবাসী, তা তার জন্ম স্থানের থেকে পৃথক হয় -- আবেদনকারী যদি তার জন্মস্থানের থেকে পৃথক কোন দেশের অধিবাসী বলে নিজেকে দাবী করেন তাহলে তার আবেদনপত্রে এই তথ্য স্পষ্টভাবে উল্লেখ করতে হবে। যদি কোন আবেদনকারী তার স্বামী/স্ত্রী বা পিতামাতার সূত্রে কোন দেশের অধিবাসী বলে নিজেকে দাবী

করেন তাহলে তা তার আবেদনপত্রে উল্লেখ করতে হবে। যোগ্য ভৌগলিক অঞ্চলের দেশ সম্পর্কিত বিস্তারিত তথ্যের জন্য প্রক্লোডের পর্বের ১ নং উভর দেখুন।

৭. **আবেদনকারীর ছবি:** ছবি সংক্রান্ত বিস্তারিত নির্দেশাবলীর জন্য ৩ ও ৪ নম্বর পৃষ্ঠা দেখুন।
৮. **পূর্ণ ঠিকানা:** ঠিকানা, শহর, জেলা/দেশ/প্রদেশ/রাষ্ট্র, পোস্টাল কোড/জিপ কোড, দেশ।
৯. যে দেশে এখন বসবাস করছেন তার নাম।
১০. **ফোন নম্বর:** এচিচক
১১. **ই-মেইল অ্যাড্রেস:** এচিচক
১২. **আপনার সর্বোচ্চ শিক্ষাগত যোগ্যতা যা আপনি ইতিমধ্যে অর্জন করেছেন তা কোনটি? আপনাকে অবশ্যই উল্লেখ করতে হবে নিম্নোক্ত কোন সর্বোচ্চ শিক্ষাগত যোগ্যতা আপনার জন্য প্রযোজ্য:**
 ১. শুধুমাত্র প্রাইমারী শিক্ষা
 ২. উচ্চমাধ্যমিক শিক্ষা, কিন্তু ডিগ্রী নাই
 ৩. উচ্চমাধ্যমিক ডিগ্রী
 ৪. কারিগরী শিক্ষা
 ৫. বিশ্ববিদ্যালয়ের কিছু কোর্স করেছেন
 ৬. বিশ্ববিদ্যালয়ের ডিগ্রী
 ৭. স্নাতক পর্যায়ে কিছু কোর্সকরেছেন
 ৮. স্নাতকোত্তর ডিগ্রী
 ৯. ডক্টোরেট পর্যায়ে কিছু কোর্সকরেছেন
 ১০. ডক্টোরেট ডিগ্রী
১৩. **বৈবাহিক অবস্থা:** বিবাহিত, অবিবাহিত, তালাকপ্রাপ্ত, বিধবা/বিপত্তিক, বৈধভাবে বিচেছদ।
১৪. **সন্তানের সংখ্যা:** আবেদনকারীর অবিবাহিত ও ২১ বছরের কম বয়সী সন্তান, আইনগতভাবে বৈধ দণ্ডক সন্তান, সৎ ছেলেমেয়ে যারা অবিবাহিত ও যাদের বয়স ২১ বছরের কম, যদিও আপনি সন্তানের পিতা/মাতার সংগে আর বিবাহ বন্ধনে আবদ্ধ নন, এবং এমনকি যদিও ওই স্বামী/স্ত্রী বা সন্তান বর্তমানে আপনার সংগে থাকে না বা আপনার সংগে অভিবাসী হবে না তবুও আবেদনকারীকে তাদের নাম, জন্ম তারিখ ও জন্ম স্থান আবেদনপত্রে উল্লেখ করতে হবে। এই আবেদনপত্রে কেবলমাত্র সেই সব সন্তানের ছবি দিতে হবে না যারা ইতিমধ্যেই যুক্তরাষ্ট্রের নাগরিক অথবা সেখানকার বৈধ স্থায়ী অধিবাসী। উল্লেখ্য যে বিবাহিত সন্তান বা ২১ বছর বা তদুর্ধ বয়সী সন্তান ডাইভারিস্টি ভিসা পাওয়ার যোগ্য নয়। তবে সব ছেলেমেয়েকে তালিকাভুক্ত করা না হলে ভিসার জন্য আপনি অযোগ্য বিবেচিত হবেন। (“ফ্রিকুরেন্টলি আক্ষত কোয়েশন্স” তালিকার ১১ নম্বর প্রশ্ন দেখুন)।
১৫. **স্বামী/স্ত্রী সংক্রান্ত তথ্য:** নাম, জন্ম তারিখ, লিঙ্গ, জন্মের শহর, জন্মের দেশ, ছবি। **স্বামী -স্ত্রী সংক্রান্ত তথ্য** উল্লেখ না করলে ভিসার জন্য অযোগ্য বিবেচিত হবেন।
১৬. **সন্তান সংক্রান্ত তথ্য:** নাম, জন্মের তারিখ, লিঙ্গ, জন্মের দেশ, জন্মের শহর, ছবি। ১৪ নং কলামে উল্লেখিত সকল ছেলেমেয়েকে অন্তর্ভুক্ত করতে হবে।

আবেদনকারী বাছাই

সকল যোগ্য আবেদনপত্রের মধ্য থেকে কম্পিউটারের মাধ্যমে নির্বিচারে আবেদনকারী বাছাই করা হবে। এতে যারা নির্বাচিত হবে তাদেরকে ২০০৮ সালের মে থেকে জুলাই মাসের মধ্যে জানিয়ে দেয়া হবে এবং যুক্তরাষ্ট্রে অভিবাসন গ্রহণের ফি-সংক্রান্ত তথ্যাদিসহ পরবর্তী নির্দেশ পাঠানো হবে। বাছাইচার ছাড়া নির্বাচিত আবেদনকারীদের ই-মেইলের মাধ্যমে কোন নোটিস দেওয়া হয় না। যে সকল আবেদনকারী নির্বাচিত হবে না তাদেরকে কিছু জানানো হবে না। বিভিন্ন দেশে যুক্তরাষ্ট্রের দৃতাবাস এবং কনস্যুলেটসমূহের কাছে সফল আবেদনকারীদের তালিকা পাঠানো হবে না। সফল আবেদনকারীদের স্বামী/স্ত্রী, এবং অবিবাহিত ও ২১ বছর বয়সের কম সম্মতানের ওপর আবেদনকারীর সাথে অভিবাসন গ্রহণের জন্য অথবা পরবর্তীতে তার সাথে যোগ দেয়ার জন্য ভিসার আবেদন করতে পারবেন। ২০০৮ সালের ১লা অক্টোবর থেকে ২০০৯ সালের ৩০শে সেপ্টেম্বরের মধ্যে ডিভি-২০০৯ কার্যক্রমের সকল ভিসা ইস্যু করতে হবে।

প্রকৃতপক্ষে একটি ভিসা লাভের জন্য নির্বিচারে বাছাইয়ের মাধ্যমে নির্বাচিত আবেদনকারীদেরকে যুক্তরাষ্ট্রের আইন অনুযায়ী ও চাহিদামাফিক সকল শর্ত পূরণ করতে হবে। আবেদনপত্র প্রক্রিয়াকরণ এবং সফল আবেদনকারী ও তাদের পরিবারের যোগ্য সদস্যদের ডাইভারসিটি ভিসা অবশ্যই ২০০৯ সালের ৩০শে সেপ্টেম্বর তারিখের মধ্যরাতের আগেই ইস্যু করতে হবে। কোন পরিস্থিতিতেই এই তারিখের পরে কোন ডাইভারসিটি ভিসা ইস্যু বা কোন প্রকার সমন্বয় করা যাবে না বা মূল আবেদনকারীর সাথে যোগ দেয়ার জন্য তার পরিবারের কোন সদস্যকেও এই তারিখের পরে ভিসা দেয়া যাবে না।

গুরুত্বপূর্ণ বিজ্ঞপ্তি

বার্ষিক ডিভি কর্মসূচীতে অংশ নিতে কোন ফি দিতে হয় না। ডিভি প্রোগ্রাম পরিচালনার জন্য যুক্তরাষ্ট্র সরকার বাইরের কোন উপদেষ্টা বা বেসরকারী সার্ভিস নিয়ুক্ত করেনি। আবেদনকারীদের ডিভির আনুষঙ্গিক বিষয়াদি প্রস্তুত করার জন্য যদি কোন মধ্যস্থাকারী বা অন্য কেউ সহায়তা করার প্রস্তাব দেন, তাহলে তারা তা করবেন যুক্তরাষ্ট্র সরকারের কর্তৃত্ব বা সম্মতি ব্যতিরেকে। ডিভি কর্মসূচীর আবেদনপত্র তৈরির ব্যাপারে কোন মধ্যস্থাকারী বা অন্য কারো সহায়তা নেয়ার বিষয়টি পুরোপুরিভাবে নির্ভর করে আবেদনকারীর ইচ্ছার ওপর।

একজন আবেদনকারীর কাছ থেকে ইলেক্ট্রনিক মাধ্যমে সরাসরি প্রাপ্ত যোগ্যতার শর্ত পূরণকারী একটি আবেদনপত্রের কেন্দ্রাকি কনস্যুলার সেটারে কম্পিউটার কর্তৃক নির্বাচিত হবার সম্ভাবনা একজন আবেদনকারীর পক্ষ থেকে অর্থের বিনিময়ে অন্য কারো প্রস্তুত করা ইলেক্ট্রনিক মাধ্যমে পাঠানো আবেদনপত্রের সম্ভাবনার সমান। ডিভি লটারি রেজিস্ট্রেশনের নির্দিষ্ট সময়সীমার মধ্যে প্রেরিত প্রতিটি আবেদনপত্রেই তার অঞ্চলের মধ্যে নির্বাচিত হবার সমান সম্ভাবনা রয়েছে। যা হোক, কোন আবেদনকারীর পক্ষে একাধিক আবেদনপত্র পাওয়া গেলে, তা যে উৎস থেকেই প্রেরিত হোক না কেন, আবেদনকারী লটারিতে তালিকাভুক্তির জন্য অযোগ্য বিবেচিত হবেন।

ডিভি রেজিস্ট্রেশন বিষয়ে প্রায়শঃই যে সকল প্রশ্ন করা হয়ে থাকে বা “ফ্রিকুয়েন্টলি আস্কড কোরেশন্স”

- যোগ্য দেশের “যোগ্য অধিবাসী” বা “নেটিভ” বলতে কি বোঝায়? এমন কোন পরিস্থিতি আছে কि যেখানে কোন ব্যক্তি যোগ্য দেশে জন্ম গ্রহণ না করেও ডিভি কর্মসূচীতে আবেদন করতে পারবেন?

“নেটিভ” বা যোগ্য দেশের অধিবাসী বলতে সাধারণতঃ বোঝায় আবেদনকারী যে নির্দিষ্ট একটি দেশে জন্ম গ্রহণ করেছেন, আবেদনকারী বর্তমানে যে দেশেরই অধিবাসী বা যে জাতীয়তারই হোন না কেন। কিন্তু অভিবাসনের জন্য “নেটিভ” বা যোগ্য দেশের অধিবাসী বলতে আরো বোঝায় কোন ব্যক্তি ‘অভিবাসন ও জাতীয়তা আইন’-এর ২০২(খ)

অনুচ্ছেদ-এর শর্ত অনুযায়ী যে দেশে জন্ম গ্রহণ করেছেন সে দেশ ছাড়াও অন্য কোন দেশকে নিজের বলে দাবী করতে পারেন।

উদাহরণ হিসেবে বলা যেতে পারে, একজন প্রধান আবেদনকারী এমন একটি দেশে জন্ম গ্রহণ করেছেন যে দেশটি এ বছরের ডিভি কর্মসূচীতে আবেদন করার যোগ্য নয়, কিন্তু তার স্বামী/স্ত্রী যে দেশে জন্মগ্রহণ করেছেন তিনি নিজেকে সেই দেশের অধিবাসী হিসেবে দাবী করতে পারেন, কিন্তু যতোক্ষণ না পর্যন্ত- ওই স্বামী/স্ত্রী ডিভি-২ পাবার যোগ্যতা না অর্জন করেন ততোক্ষণ পর্যন্ত প্রধান আবেদনকারীকে ডিভি-১ ভিসা ইস্যু করা হবে না এবং সে ক্ষেত্রে আবেদনকারী ও তার স্বামী বা স্ত্রী উভয়কে অবশ্যই একত্রে ডিভি ভিসার অধীনে যুক্তরাষ্ট্রে প্রবেশ করতে হবে। একই ভাবে, মা-বাবার ওপর নির্ভরশীল সন্তান তার মা বা বাবার জন্মগ্রহণকারী দেশকে নিজের দেশ বলে দাবী করতে পারে।

সর্বশেষ, একজন আবেদনকারী যিনি চলতি বছরের ডিভি কর্মসূচীর জন্য অযোগ্য ঘোষিত একটি দেশে জন্ম গ্রহণ করেছেন তিনি তার মা অথবা বাবা উভয়ের কোন একজনের দেশ-এর হয়ে আবেদন করতে পারবেন যদি না আবেদনকারীর জন্মের সময় তার মা বা বাবার কেউ ওই অযোগ্য দেশের অধিবাসী হয়ে থাকেন। সাধারণত, লোকেরা যে দেশে জন্ম গ্রহণ করে না বা আইনগতভাবে নাগরিক হয় না এবং যদি তারা সাময়িক ভাবে সে দেশে ভ্রমণ করতে যায় বা ব্যবসা অথবা পেশাগত কারণে কিছু দিনের জন্য সে দেশে অবস্থান করে তাহলে তাদেরকে সে দেশের অধিবাসী হিসেবে গণ্য করা হয় না।

একজন আবেদনকারী যিনি এরকম অন্য একটি দেশকে নিজের দেশ হিসেবে গণ্য করে ডিভি কার্যক্রমে আবেদন করবেন তাকে আবেদনপত্রে অবশ্যই এ সংক্রান্ত সকল তথ্য অন্তর্ভুক্ত করতে হবে। এ কথা মনে রাখতে হবে যে, যদি কোন আবেদনকারী তার যোগ্য দেশ সম্পর্কে সঠিক তথ্য দিতে সক্ষম না হন বা তার যথাযথ প্রমাণ দিতে না পারেন তবে সেটা তার আবেদনপত্র বাতিল হওয়ার কারণ হতে পারে।

২. চলতি বছরের ডাইভারসিটি ভিসা রেজিস্ট্রেশনে আবেদনের প্রক্রিয়ায় কোন পরিবর্তন অথবা নতুন কোন শর্তাবলী অন্তর্ভুক্ত করা হয়েছে কি না?

ডিভি-২০০৯ লটারির সকল আবেদনপত্র বুধবার, ৩ রা অক্টোবর, ২০০৭ থেকে রবিবার, ২ রা ডিসেম্বর, ২০০৭ তারিখের মধ্যে ইলেক্ট্রনিকভাবে www.dvlottery.state.gov এই ঠিকানায় পাঠাতে হবে। কাগজে পাঠানো আবেদনপত্র গৃহীত হবে না।

ডিভি ২০০৯ প্রোগ্রাম থেকে অতিরিক্ত তথ্য সংগ্রহের জন্য কিছু প্রশ্ন এবং উত্তর সংযোগন করা হয়েছে।

- কোন দেশে আপনি বর্তমানে বসবাস করছেন
- আপনার সর্বোচ্চ শিক্ষাগত যোগ্যতা যা আপনি ইতিমধ্যে অর্জন করেছেন তা কোনটি?
- বৈৰাহিক অবস্থা প্রক্রিয়া উভয়ে "বৈধভাবে বিচেছেদ" শব্দটি প্রতিশ্থাপন করেছে "বিচেছেদ" শব্দটিকে।
বৈধভাবে বিচেছেদ বলতে বোঝায় যে কোট আইনসম্মতভাবে ঘোষনা করেছে যে আপনি ও আপনার স্বামী/স্ত্রীর মধ্যে বৈধভাবে বিচেছেদ ঘটেছে। "বৈধভাবে বিচেছেদ" বলতে বোঝায় আপনার স্বামী বা স্ত্রী আপনার সাথে অভিবাসন ভিসা নেয়ার যোগ্য হবেন না।

৩. পরিবারের প্রতিটি সদস্যের জন্যই কি স্বাক্ষর ও ছবি বাধ্যতামূলক, অথবা তা কি শুধুমাত্র প্রধান আবেদনকারীর জন্য প্রযোজ্য?

ইলেক্ট্রনিক ডাইভারসিটি ভিসা আবেদনপত্রের জন্য স্বাক্ষরের প্রয়োজন নেই। আবেদনকারী, তার স্বামী/স্ত্রী এবং ২১ বছর বয়সের নীচে সকল সম্পত্তিকালে তোলা আলাদা আলাদা ছবি পাঠাতে হবে। পারিবারিক ও গ্রুপ ফটো গ্রহণযোগ্য নয়। ছবি সংক্রান্ত সকল তথ্যের জন্য এই বুলেটিনের ৩ ও ৪ নম্বর পৃষ্ঠা দ্রষ্টব্য।

৪. ডিভি কর্মসূচী-তে কিছু নির্দিষ্ট দেশের অধিবাসীরা কেন আবেদন করার যোগ্য নয়?

ডাইভারসিটি ভিসা প্রদানের লক্ষ্য হচ্ছে যে সব দেশ প্রতি বছর যুক্তরাষ্ট্রে ব্যাপক সংখ্যক অভিবাসী পাঠায় তারা বাদে অন্য সব দেশের অধিবাসীদের অভিবাসন সুবিধা প্রদান করা। যে সব দেশের অধিবাসীদের যুক্তরাষ্ট্রে প্রবেশের হার অত্যন্ত উচ্চ, যুক্তরাষ্ট্রের আইন অনুযায়ী তারা ডাইভারসিটি ভিসা পাবার যোগ্য নয়। আইনে বিষয়টি এভাবে ব্যক্ত করা হয়েছে যে বিগত পাঁচ বছরে যে সব দেশের ৫০ হাজারের বেশি নাগরিক পারিবারিক পৃষ্ঠপোষকতায় এবং চাকুরি-ভিত্তিক ভিসা ক্যাটগরিতে যুক্তরাষ্ট্রে অভিবাসী হয়ে গেছে, তারা এই ভিসা পাবে না। প্রতি বছর ‘ব্যরো অব সিটিজেনশিপ অ্যান্ড ইমিগ্রেশন সার্ভিসেস’ (বিসিআইএস) পারিবারিক ও চাকুরির ভিত্তিতে আগত অভিবাসীর সংখ্যা বিগত পাঁচ বছরের সংখ্যার সাথে জুড়ে দেয় যাতে সেই সব দেশকে সনাক্ত করা যায় যে সব দেশের অধিবাসীদেরকে বার্ষিক ডাইভারসিটি লটারি থেকে বাদ দেয়া যায়। যেহেতু প্রতিটি বার্ষিক ডিভি আবেদনপত্র গ্রহণের সময়কালের আগে নতুন করে তালিকা নির্ধারণ করা হয়, তাই এক বছরের অযোগ্য ঘোষিত দেশের তালিকা থেকে পরবর্তী বছরের তালিকা আলাদা হতে পারে।

৫. ডিভি-২০০৯ কর্মসূচীর সংখ্যাগত সীমা বলতে কি বোঝায়?

আইন অনুসারে, প্রতি বছর যুক্তরাষ্ট্রের ডাইভারসিটি অভিবাসন কর্মসূচীর অধীনে যোগ্য আবেদনকারীদেরকে সর্বোচ্চ ৫৫,০০০ স্থায়ী ভিসা প্রদান করা হয়ে থাকে। তবে, ১৯৯৭ সালের নতুন মাসে ‘নিকারাগুয়ান অ্যাডজাস্টমেন্ট অ্যান্ড সেন্ট্রাল অ্যামেরিকান রিলিফ’ (এনএসিএআরএ) নামে কংগ্রেস যে আইন পাশ করে তাতে বলা হয়েছে যে বার্ষিকভাবে বরাদ্দকৃত ৫৫ হাজার ভিসার মধ্যে পাঁচ হাজার ভিসা ‘এনএসিএআরএ’ কর্মসূচীর অধীনে ব্যবহারের জন্য পৃথক করে রাখা হবে। ডিভি-৯৯ কর্মসূচী থেকে এই বিশেষ ব্যবস্থা চালু হয়েছে এবং যতোদিন পর্যন্ত প্রয়োজন ততোদিন তা চলবে। ডিভি ভিসার প্রকৃত সংখ্যা কমিয়ে ৫০ হাজার করা হয় সর্বপ্রথম ডিভি-২০০০ কর্মসূচী থেকে এবং ডিভি-২০০৯ কর্মসূচীর জন্যও তা বলৱৎ থাকবে।

৬. ডিভি-২০০৯ কর্মসূচীর জন্য আঞ্চলিক ডাইভারসিটি ভিসার সংখ্যার সীমা কতো?

অভিবাসন ও জাতীয়তা আইনের (আইএনএ) ২০৩(গ) ধারায় উল্লিখিত ফর্মুলা অনুসারে ব্যরো অব ইমিগ্রেশন অ্যান্ড সিটিজেন সার্ভিসেস (বিসিআইএস) প্রতি বছর ডিভি-র আঞ্চলিক সংখ্যা নির্ধারণ করে তাকে। ‘বিসিআইএস’ গণনা সম্পন্ন করে ফেললেই আঞ্চলিক ভিসার সংখ্যা ঘোষণা করা হবে।

৭. ডিভি-২০০৯ কর্মসূচীর আবেদনপত্র কখন থেকে গ্রহণ করা হবে?

ডিভি-২০০৯ কর্মসূচীর আবেদনপত্র গ্রহণ করার সময় শুরু হবে ৩ রা অক্টোবর ২০০৭, এবং তা চলবে ২ রা ডিসেম্বর, ২০০৭ পর্যন্ত। প্রতি বছর রেজিস্ট্রেশনের সময়কালে লাখ লাখ লোক এই কর্মসূচীতে আবেদন করে থাকে। এই জমা পড়া বিপুল পরিমাণ আবেদনপত্র থেকে সফল আবেদনকারী বাছাই ও নির্বাচন প্রক্রিয়ায় প্রচুর কাজ করতে হয়। তাই আবেদনপত্র গ্রহণের সময় নতুন ও ডিসেম্বর মাস নির্ধারণ করায় সফল আবেদনকারী বাছাই এবং আরো সময় করে তাদের জানিয়ে দেয়ার বিষয়টি নিশ্চিত করা সম্ভব হবে। এর ফলে তারা এবং বিদেশে আমেরিকান দূতাবাসসমূহ এবং কনস্যুলেটগুলোও অভিবাসন প্রক্রিয়া ও ভিসা ইস্যুর প্রস্তুতি সম্পন্ন করার জন্য হাতে সময় পাবে। তবে কোনভাবেই

৩ রা ডিসেম্বর, ২০০৭ (EST) এরপরে কোন আবেদনগ্রহণ করা হবে না।

৮. যুক্তরাষ্ট্র বাস করছেন এমন ব্যক্তিরাও কি ডিভি কর্মসূচীতে আবেদন করতে পারবেন?

হ্যাঁ, একজন আবেদনকারী যুক্তরাষ্ট্র বা অন্য কোন দেশে বসবাস করতে পারেন এবং যুক্তরাষ্ট্র বা অন্য কোন দেশ থেকে তিনি আবেদন করতে পারবেন।

৯. বার্ষিক ডিভি লটারি রেজিস্ট্রেশনের সময়কালে প্রত্যেক আবেদনকারী কি মাত্র একটি আবেদনপত্রই পাঠাতে পারবেন?

হ্যাঁ, আইন অনুযায়ী ডিভি লটারি রেজিস্ট্রেশনের সময়কালে একজন আবেদনকারী মাত্র একটি আবেদনপত্রই পাঠাতে পারবেন। যে সব আবেদনকারীর পক্ষ হয়ে একাধিক আবেদনপত্র জমা দেয়া হবে সে লটারিতে অংশ গ্রহণের অযোগ্য বলে প্রতিপন্থ হবে। রেজিস্ট্রেশনের সময়কালে যারা একাধিক আবেদনপত্র জমা দেবে তাদেরকে সনাক্ত করার জন্য পররাষ্ট্র দফতর সূক্ষ্ম প্রযুক্তি এবং অন্যান্য মাধ্যম ব্যবহার করবে। যে সব আবেদনকারী একাধিক আবেদনপত্র জমা দেবে তাদেরকে অযোগ্য ঘোষণা করা হবে এবং তাদের সম্পর্কে পররাষ্ট্র দফতরে একটি স্থায়ীভাবে একটি রেকর্ড রাখা হবে। আবেদনকারীগণ প্রতি বছরই ডিভির নিয়মিত আবেদনের সময়কালে আবেদন করতে পারবেন।

১০. একজন স্বামী এবং একজন স্ত্রী কি আলাদা আবেদনপত্র পাঠাতে পারবেন?

হ্যাঁ, একজন স্বামী এবং একজন স্ত্রী দু'জনেই আলাদা আলাদা আবেদনপত্র পাঠাতে পারবেন যদি দু'জনেরই শর্ত পূরণের যোগ্যতা থাকে। দু'জনের মধ্যে একজন যদি নির্বাচিত হন তাহলে অন্যজনও তিসা পাওয়ার যোগ্যতা লাভ করবেন।

১১. আমার ডিভি আবেদন পত্রে পরিবারের কোন কোন সদস্যকে অবশ্যই অস্তর্ভুক্ত করতে হবে?

আবেদনপত্রে আপনার স্বামী বা স্ত্রীর নাম অবশ্যই উল্লেখ করতে হবে এবং সকল অবিবাহিত ও ২১ বছরের কম বয়সী সম্মতানের নামও থাকতে হবে। এই আবেদনপত্রে সেই সব সম্মতানের ছবি দিতে হবে না যারা ইতিমধ্যেই যুক্তরাষ্ট্রে নাগরিক অথবা সেখানকার বৈধ স্থায়ী অধিবাসী। এমনকি আপনি যদি আপনার স্বামী বা স্ত্রী থেকে বর্তমানে বিচ্ছিন্ন থাকেন তাহলেও তার নাম আবেদনপত্রে অবশ্যই উল্লেখ করতে হবে। তবে আপনি যদি আইনগতভাবে তার থেকে তালাক নিয়ে থাকেন তাহলে আপনার প্রাক্তন স্বামী/স্ত্রীর নাম তালিকাভুক্ত করার প্রয়োজন নেই। প্রথাগত বিয়ের জন্য গুরুত্বপূর্ণ তারিখ হচ্ছে মূল বিয়ে উৎসবের তারিখ, ওই তারিখ নয় যেদিন আপনার বিয়ে রেজিস্ট্রি করা হয়েছিল।

আপনার অবিবাহিত ও ২১ বছরের কম বয়সী সকল সম্মতানের নাম অবশ্যই তালিকাভুক্ত করতে হবে, তারা আপনার নিজের সম্মতান, আপনার স্বামী/স্ত্রীর আগেকার বিয়ের সম্মতান, অথবা আপনার দেশের আইন অনুযায়ী আনুষ্ঠানিকভাবে দক্ষ নেয়া সম্মতান সকলেরই নাম, জন্ম তারিখ ও জন্ম স্থান আবেদনপত্রে উল্লেখ করতে হবে। এই আবেদনপত্রে কেবলমাত্র সেই সব সম্মতানের নাম উল্লেখ করতে হবে না যারা ইতিমধ্যেই যুক্তরাষ্ট্রে নাগরিক অথবা সেখানকার বৈধ স্থায়ী অধিবাসী। এমনকি যদি ২১ বছর বয়সের নিচে কোন সম্মতান বর্তমানে আপনার সঙ্গে থাকে না অথবা ডিভি কর্মসূচীর অধীনে আপনার সঙ্গে অভিবাসী হবে না তাহলে তাদের নামও আপনাকে আবেদনপত্রে উল্লেখ করতে হবে।

প্রকৃতপক্ষে, আপনার পরিবারের সকল সদস্যের নাম আবেদনপত্রে উল্লেখ করার অর্থ এই নয় যে তারা পরবর্তীতে আপনার সঙ্গে ভ্রমণ করবে। তারা দেশেও রয়ে যেতে পারে। তবে, আপনি যদি একজন যোগ্য ও আপনার ওপর নির্ভরশীল সম্মতানকে আপনার ভিসা আবেদনের ফর্মে উল্লেখ করেন যার কথা আপনি মূল আবেদনপত্রে উল্লেখ করতে ব্যর্থ হয়েছিলেন, তাহলে আপনার ডিভি আবেদনপত্র বাতিল হয়ে যাবে। (এই বিষয়টি কেবলমাত্র সেই সব ব্যক্তিদের ক্ষেত্রে প্রযোজ্য যারা ডিভি-র মূল আবেদনপত্র জমা দেয়ার সময় আপনার পোষ্য ছিল, পরবর্তীতে গৃহীত কোন পোষ্য

এই আবেদনপত্রে অন্তর্ভুক্ত করা যাবে না)। আপনার স্বামী/স্ত্রী একটি আলাদা আবেদনপত্র জমা দিতে পারে, যদিও সে আপনার আবেদনপত্রেও অন্তর্ভুক্ত রয়েছে, তবে দু'টি আবেদনপত্রেই পরিবারের সকল পোষ্য সম্পর্কে বিস্তারিত তথ্য প্রদান করতে হবে। এ বিষয়ে আরো জানার জন্য ১০ নম্বর প্রশ্ন দেখুন।

১২. সকল আবেদনকারীকে তাদের নিজেদের আবেদনপত্র নিজেদেরকেই পাঠাতে হবে, অথবা একজন আবেদনকারীর হয়ে অন্য কেউ কি আবেদনপত্র পাঠাতে পারে?

আবেদনকারীরা তাদের আবেদনপত্র নিজেরাই প্রস্তুত এবং পাঠাতে পারে অথবা অন্য কেউ তাদের হয়ে আবেদনপত্র পাঠাতে পারে। তবে আবেদনকারী সরাসরি আবেদনপত্র জমা দেন অথবা কোন আইনজীবী, বন্ধু, আত্মীয় প্রভৃতি কেউ তাদের সাহায্য করুন না কেন, প্রত্যেকের নামে কেবল একটিমাত্রই আবেদনপত্র পাঠানো যাবে। আবেদনপত্রটি যদি নির্ধাচিত হয় তাহলে তার কাছে যে 'নোটিফিকেশন লেটার'টি পাঠানো হবে তা শুধুমাত্র আবেদনপত্রে উল্লিখিত ঠিকানায় ডাকযোগে পাঠায়ে দেয়া হবে।

১৩. শিক্ষা অথবা কাজের অভিজ্ঞতার ক্ষেত্রে কি কি চাহিদা রয়েছে?

আইন ও সংশ্লিষ্ট বিধি অনুযায়ী প্রত্যেক আবেদনকারীর অবশ্যই কমপক্ষে হাইস্কুলের শিক্ষা বা সমমানের শিক্ষা বা বিগত পাঁচ বছরে এমন কোন পেশায় দুই বছরের কাজের অভিজ্ঞতা থাকতে হবে যাতে দুই বছরের প্রশিক্ষণ বা অভিজ্ঞতার প্রয়োজন হয়। "হাইস্কুলের বা সমমানের শিক্ষা" বলতে যুক্তরাষ্ট্রে প্রাথমিক ও মাধ্যমিক মিলিয়ে ১২ বছরের শিক্ষা সফলভাবে সমাপ্ত করা বা অন্য কোন দেশে যুক্তরাষ্ট্রের হাইস্কুল শিক্ষার সংগে তুলনীয় প্রাথমিক ও মাধ্যমিক স্কুলের আনুষ্ঠানিক শিক্ষা সমাপ্ত করা বোঝায়। লটারির আবেদনপত্রের সংগে শিক্ষার বা কাজের অভিজ্ঞতার সনদপত্র জমা দিতে হবে না। কিন্তু তা ভিসার জন্য ইন্টারভিউ-এর সময় কনসুলার অফিসারের কাছে অবশ্যই পেশ করতে হবে। কাজের অভিজ্ঞতার ভিত্তিতে যোগ্যতা নিরূপণ করতে শ্রম দফতরের অনলাইন ড্যাটাবেজ O*net database ব্যবহার করা যেতে পারে।

ডিভি কর্মসূচীর জন্য কোন কোন পেশা যোগ্য বিবেচিত হবে?

শ্রাম অধিদফতর (Department of Labor or DOL) O*Net Online Database এ সমস্ত পেশার অভিজ্ঞতা মোট পাঁচটি ভাগে ভাগ করেছে। যদিও অনেক পেশার বিবরণ এই ওয়েবসাইটে উল্লিখ করা হয়েছে, শুধুমাত্র কিছু সংখ্যক বিশেষ পেশাকে ডিভির জন্য যোগ্য হিসেবে নির্ধারণ করা হয়েছে। ডিভির জন্য আপনি তখনি যোগ্য বিবেচিত হবেন যখন আপনি প্রমাণ করতে পারবেন যে গত পাঁচ বছরের মধ্যে অন্তত: পক্ষে দুই বছর আপনার নিম্নোক্ত ক্যাটাগরীর পেশার অভিজ্ঞতা আছে: আপনার বর্তমান পেশা অবশ্যই পেশা বিভাগ (job zone 4 or 5) বা Specific Vocational Preparation (SVP) রেঞ্জের ৭ বা তার উর্ধ্বে থাকে।

Department of Labor ওয়েবসাইটে আমি কিভাবে যোগ্য পেশা সম্পর্কে তথ্য পেতে পারি?

O*Net Online Database - এ ডিভির জন্য নির্ধারিত যোগ্য পেশা উল্লেখ আছে। আপনার পেশা ডিভির জন্য যোগ্য কিনা তা জানার জন্য নিম্নোক্ত পদক্ষেপগুলো অনুসরণ করুন:

"Find Occupations" বেছে নিন বা প্রেস করুন এবং তারপর একটি নির্দিষ্ট "job family" বেছে নিন। উদাহরণস্বরূপ, "স্থাপত্য ও প্রকৌশল বিদ্যা" (Architecture and Engineering) বেছে নিন এবং "GO" প্রেস করুন। তারপর আপনার নির্দিষ্ট পেশার লিংকে প্রেস করুন। একইভাবে, আপনি "Aerospace Engineers" বা অন্য পেশা বেছে নিতে পারেন। কোন নির্দিষ্ট পেশার লিংক বেছে নেয়ার পর "Job Zone"

বাটনটি সিলেক্ট করুণ যার মাধ্যমে আপনি ঐ পেশার Job Zone number এবং Specific Preparation (SVP) রেটিং রেঞ্জ পেতে পারেন।

১৪. সফল আবেদনকারী কিভাবে নির্বাচিত করা হবে?

কেন্টাকি কনস্যুলার সেন্টার-এ আবেদনপত্র জমা পড়ার পর বিশ্বের প্রতিটি অঞ্চল থেকে পাওয়া সকল আবেদনপত্রে আলাদা আলাদাভাবে নম্বর দেয়া হবে। লটারিতে রেজিস্ট্রেশনের সময়সীমা শেষ হবার প্রতিটি ভৌগোলিক অঞ্চল থেকে প্রাপ্ত সকল আবেদনপত্রের মধ্য থেকে কোন প্রকার বাছবিচার না করে একটি কম্পিউটার আবেদনকারীদের নির্বাচন করবে। প্রতিটি অঞ্চলের ক্ষেত্রে নির্বিচারে বাছাই করা প্রথম আবেদনপত্রটি হবে রেজিস্ট্রিকৃত প্রথম আবেদনকারীর, বাছাই করা দ্বিতীয় আবেদনপত্রটি হবে রেজিস্ট্রিকৃত দ্বিতীয় আবেদনকারীর, ইত্যাদি। রেজিস্ট্রেশনের সময়কালে প্রাপ্ত সকল আবেদনপত্র প্রতিটি অঞ্চলের মধ্যে নির্বাচিত হবার সমান সম্ভাবনা রয়েছে। একজন আবেদনকারী যখন নির্বাচিত হবেন তখন তাকে কেন্টাকি কনস্যুলার সেন্টার থেকে একটি ‘নোটিফিকেশন লেটার’ পাঠিয়ে জানিয়ে দেয়া হবে। সেই সংগে তাকে ভিসার জন্য আবেদন করার প্রক্রিয়াসহ অন্যান্য নির্দেশাবলীও জানানো হবে। যারা নির্বাচিত হবেন তাদেরকে ভিসা সাক্ষাত্কারের জন্য যুক্তরাষ্ট্রের কোন কনস্যুলার অফিসের সামনে হাজির হবার নির্দেশ না দেয়া পর্যন্ত অথবা মর্যাদা পরিবর্তনের জন্য যুক্তরাষ্ট্রের কোন ‘বিসিআইএস’ অফিসে আবেদন না করা পর্যন্ত - কেন্টাকি কনস্যুলার সেন্টার এই সকল আবেদনপত্রসমূহ প্রক্রিয়া করা অব্যাহত রাখবে।

গুরুত্বপূর্ণ বিষয়: নির্বাচিত আবেদনকারীকে ই-মেইলের মাধ্যমে কোন লটারীর ফলাফল পাঠানো হয়না। ই-মেইলে কোন ফলাফল পাওয়া গেলে তার গ্রহণযোগ্যতা নেই বলে গণ্য করতে হবে।

১৫. বিজয়ী আবেদনকারীগণ কি ‘ইউএসসিআইএস’-এর সাথে তাদের মর্যাদা সমন্বয় করতে পারবেন?

হ্যাঁ, ‘আইএনএ’-র অনুচ্ছেদ ২৪৫-এর শর্তাবলীনে অন্য কোনভাবে মর্যাদা সমন্বয় করার যোগ্য না হলে নির্বাচিত প্রার্থীগণ যারা সশরীরে যুক্তরাষ্ট্রে উপস্থিত আছেন তারা স্থায়ী অধিবাসী হিসেবে মর্যাদা সমন্বয়ের জন্য ‘ইউ.এস. সিটিজেনশীপ অ্যান্ড ইমিগ্রেশন সার্ভিসেস’ (ইউএসসিআইএস)-এ আবেদন করতে পারেন। আবেদনকারীদেরকে অবশ্যই নিশ্চিত করতে হবে যে ৩০শে সেপ্টেম্বর, ২০০৯-এর আগেই তাদের অন্য দেশে অবস্থানরত আত্মায়-স্বজনের বিষয়াদি প্রক্রিয়া করাসহ ‘বিসিআইএস’ যাতে তাদের কেস-এর ব্যাপারে সমুদয় কার্যাদি সম্পন্ন করতে পারে। কারণ ওই তারিখেই ডিভি-২০০৯ কর্মসূচীর রেজিস্ট্রেশনের মেয়াদ শেষ হয়ে যাবে। ৩০শে সেপ্টেম্বর, ২০০৯-এর মধ্যরাত্রির পর ডিভি-২০০৯ কর্মসূচীর জন্য কোন পরিস্থিতিতেই আর কোন ভিসা নম্বর প্রদান করা হবে না।

১৬. যে সব আবেদনকারী নির্বাচিত হবে না তাদেরকে কি জানানো হবে?

না, যে সব আবেদনকারী নির্বাচিত হবে না তারা কোন প্রকার চিঠি পাবে না। যারা নির্বাচিত হবে কেবলমাত্র সেই সব আবেদনকারীকেই জানানো হবে। আবেদনের সময়সীমা শেষ হবার পাঁচ থেকে সাত মাস সময়কালের মধ্যে আবেদনপত্রে উল্লিখিত ঠিকানায় সকল ‘নোটিফিকেশন লেটার’ পাঠিয়ে দেয়া হবে। যিনি আবেদনের পাঁচ থেকে সাত মাসের মধ্যে এধরনের কোন চিঠি পাবেন না তিনি বুঝে নেবেন যে তার আবেদনপত্র নির্বাচিত হয়নি।

১৭. মোট কতোজন আবেদনকারীকে নির্বাচিত করা হবে?

ডিভি-২০০৯ কর্মসূচীর জন্য ৫০,০০০ ভিসা বরাদ্দ করা হয়েছে, কিন্তু তার চাইতেও বেশি সংখ্যক ব্যক্তিকে নির্বাচিত করা হবে। কারণ এটা খুবই স্বাভাবিক যে প্রথম ৫০,০০০ ব্যক্তি ভিসা লাভের জন্য নির্বাচিত হবেন তারা ভিসা লাভের

যোগ্যতা অর্জন করবেন না বা ভিসা প্রাপ্তির জন্য তাদের কেসগুলো যথেষ্ট শক্তিশালী হবে না। তাই বরাদ্দকৃত সকল ডিভি ভিসাই যাতে ইস্যু করা যায় তা নিশ্চিত করার জন্য কেন্টাকি কনসুলার সেন্টার ৫০,০০০-এরও বেশি আবেদনপত্র নির্বাচিত করবে। তবে, এর অর্থ এই যে প্রাথমিকভাবে যারা নির্বাচিত হবেন তাদের সকলের জন্য যথেষ্ট সংখ্যক ভিসা না-ও দেয়া হতে পারে। যে সকল আবেদনকারী নির্বাচিত হবেন তাদেরকে যতো শীঘ্র সম্ভব তালিকায় তাদের অবস্থান সম্পর্কে জানিয়ে দেয়া হবে। যারা নির্বাচিত হবেন ২০০৮-এর অক্টোবর মাসের প্রথম দিকে তাদের সাক্ষাৎকার গ্রহণ শুরু হবে। বিদেশে যুক্তরাষ্ট্র দূতাবাসসমূহে কনসুলার অফিসারদের সাথে নির্ধারিত সাক্ষাৎকার শুরু" হবার চার থেকে ছয় সপ্তাহ আগে কেন্টাকি কনসুলার সেন্টার নির্বাচিত আবেদনকারী-দেরকে সাক্ষাৎকারের চিঠি পাঠাবে। ভিসার সংখ্যা বরাদ্দ সাপেক্ষে প্রতি মাসেই ভিসা ইস্যু করা হবে সেই সব আবেদনকারীদেরকে যারা ওই মাসে ইস্যু হওয়া ভিসার জন্য প্রস্তুত হবে। ৫০,০০০ ডিভি ভিসার সমস্তই যখন ইস্যু করা সম্পন্ন হবে, তখন ওই বছরের কর্মসূচী শেষ হবে। নীতিগতভাবে, ২০০৯ সালের সেপ্টেম্বর মাসের আগেই ভিসার সংখ্যা ফুরিয়ে যেতে পারে। নির্বাচিত আবেদনকারীগণ যারা ভিসা লাভ করতে ইচ্ছুক ভিসা লাভের জন্য তাদের দ্রুত প্রস্তুতি গ্রহণ করতে হবে। কেন্টাকি কনসুলার সেন্টারে কম্পিউটার কর্তৃক বাছবিচারহীনভাবে আবেদনপত্র নির্বাচন স্বয়ংক্রিয়ভাবে এটা নিশ্চিত করে না যে আপনি ভিসা লাভ করবেন।

১৮. ডিভি কর্মসূচীতে আবেদন করতে আবেদনকারীদের জন্য কোন ন্যূনতম বয়স আছে কি না?

ডিভি কর্মসূচীতে আবেদন করার জন্য ন্যূনতম কোন বয়সসীমা নেই। তবে আবেদন করার সময় প্রত্যেক প্রধান আবেদনকারীর জন্য হাই স্কুল শিক্ষা অথবা কাজের অভিজ্ঞতার যে শর্ত দেয়া হয়ে থাকে তাতে করে ১৮ বছরের নিচে বেশির ভাগ ব্যক্তিই কার্যকরনে অযোগ্য হিসেবে গণ্য হবে।

১৯. ডিভি কর্মসূচীর জন্য কি কোন নির্দিষ্ট ফি রয়েছে?

ডিভি আবেদনপত্র জমা দেয়ার জন্য কোন ফি দিতে হয় না। এ বছরের কর্মসূচীর জন্য যে সব আবেদনকারী প্রকৃতই নির্বাচিত হবেন যুক্তরাষ্ট্রের কোন কনসুলার সেকশনে তাদের আবেদনপত্র প্রক্রিয়াকরণের জন্য তাদেরকে পরিবর্তীতে একটি বিশেষ ডিভি কেস প্রক্রিয়াকরণ ফি দিতে হবে। অন্যান্য অভিবাসন ভিসা আবেদনকারীদের মতো ডিভি আবেদনকারীদেরকেও ভিসা ইস্যু করার সময় নিয়মিত ভিসা ফি অবশ্যই দিতে হবে। যে সকল আবেদনকারী নির্বাচিত হবেন কেন্টাকি কনসুলার সেন্টার থেকে তাদেরকে নির্দেশাবলী পাঠানোর সময় প্রদেয় সকল ফি-র বিষয়ে বিস্তারিতভাবে জানিয়ে দেয়া হবে।

২০. ডিভি আবেদনকারীগণ কি ভিসা পাবার কোন প্রকার অযোগ্যতার ভিত্তিতে কোন প্রকার ছাড়ের জন্য বিশেষভাবে আবেদন করার অধিকারী?

না। অভিবাসন ও জাতীয়তা আইনে উল্লিখিত নিয়মাবলী অনুযায়ী আবেদনকারীগণ অভিবাসন ভিসার জন্য সকল ভিত্তিতে অযোগ্য বলে গণ্য হতে পারেন। আইনে সাধারণভাবে প্রদান করা ছাড় ব্যতীত ভিসা অযোগ্যতার ক্ষেত্রে অন্য কোন বিশেষ ছাড়ের ব্যবস্থা নেই।

২১. যে সব ব্যক্তি ইতিমধ্যেই অভিবাসন ভিসার অন্য কোনো ক্যাটিগরিতে নিবন্ধিত হয়েছেন তারা কি ডিভি কর্মসূচীর আওতায় আবেদন করতে পারবেন?

হ্যাঁ, এ ধরনের ব্যক্তিরা ডিভি কর্মসূচীর অধীনে আবেদন করতে পারবেন।

২২. যে সকল আবেদনকারী নির্বাচিত হবেন তারা ডিভি ক্যাটিগরির আওতায় কতো দিন পর্যন্ত ভিসার জন্য আবেদন করতে পারবেন?

ডিভি-২০০৯ লটারিতে যে সকল ব্যক্তি নির্বাচিত হবেন তারা কেবলমাত্র ২০০৯ অর্থবছরে আবেদন করার অধিকারী অর্থাৎ ২০০৮ সালের অক্টোবর মাস থেকে ২০০৯ সালের সেপ্টেম্বর মাস পর্যন্ত- তারা ভিসার জন্য আবেদন করতে পারবেন। আবেদনকারীদেরকে অবশ্যই অর্থবছর শেষ (৩০শে সেপ্টেম্বর, ২০০৯) হবার মধ্যেই ডিভি ভিসা পেতে হবে অথবা তাদের মর্যাদা সমন্বয় করে নিতে হবে। যে সকল ব্যক্তি নির্বাচিত হবেন কিন্তু ২০০৯ অর্থবছরের মধ্যে ভিসা নিতে পারবেন না তারা পরবর্তী বছরে ডিভি ভিসার সুবিধা লাভ করবেন না। এছাড়াও, মূল আবেদনকারীর স্বামী/স্ত্রী ও সন্তানেরা যারা ডিভি-২০০৯ কার্যক্রমের আওতায় একই মর্যাদা লাভ করবেন তারাও ২০০৮ সালের অক্টোবর মাস থেকে ২০০৯ সালের সেপ্টেম্বর মাস পর্যন্ত-ই কেবল ডিভি ক্যাটিগরিতে ভিসা নিতে পারবেন। আবেদনকারীগণ যারা বিদেশ থেকে আবেদন করবেন তারা নির্ধারিত সাক্ষাৎকারের চার থেকে ছয় সপ্তাহ আগে কেন্টাকি কনসুলার সেন্টার থেকে সাক্ষাৎকারের চিঠি পাবেন।

২৩. যদি ডিভি লটারী বিজয়ী মূল আবেদনকারী মারা যায়, সেক্ষেত্রে ডিভি কেসের কি হবে?

ডিভি লটারী বিজয়ী মূল আবেদনকারী মারা গেলে সেই ডিভি কেস সাথে সাথে বাতিল বলে গণ্য হবে। ঐ কেসের অধীনে স্বামী/স্ত্রী বা ছেলেমেয়ে কেউই ভিসার জন্য যোগ্য থাকবে না।

২৪. অনলাইনে ই-ডিভি (ইলেক্ট্রনিক ডাইভারসিটি ভিসা) করে থেকে পাওয়া যাবে?

২০০৭ সালের ৩ রা অক্টোবর 'ইস্টার্ন স্ট্যান্ডার্ড টাইম' দুপুর ১২টা (গ্রিনিচ মান সময় -৫টা) থেকে অনলাইনে ডিভি-র আবেদনপত্র পাওয়া যাবে। আবেদনপত্র জমা দেয়ার শেষ সময় ২ রা ডিসেম্বর ২০০৭ তারিখের 'ইস্টার্ন স্ট্যান্ডার্ড টাইম' দুপুর ১২টা (গ্রিনিচ মান সময় -৫টা)।

২৫. আমি কি ই-ডিভি আবেদনপত্র মাইক্রোসফট ওয়ার্ড প্রোগ্রাম (অথবা অন্য কোন উপযুক্ত প্রোগ্রাম)-এ ডাউনলোড ও সেভ করে তারপর পূরণ করতে পারবো?

না, ইলেক্ট্রনিক ডিভি আবেদনপত্র পূরণ এবং জমা দেয়ার জন্য এই ফর্মটি আপনি অন্য কোন প্রোগ্রামে সেভ করতে পারবেন না। ই-ডিভি আবেদনপত্র একটি ওয়েব ফর্ম মাত্র। এতে করে আবেদনপত্রটি কারো নিজস্ব ওয়ার্ড প্রসেসের ফরম্যাটে না সেভ হয়ে সোটি একটি "সার্বজনীন" রূপ পেয়েছে। উপরন্তু, ই-ডিভি আবেদনপত্রে অনলাইনে থেকেই চাহিদামাফিক তথ্যাদি পূরণ এবং জমা দিতে বলা হয়েছে।

২৬. আমার যদি কোন নিজস্ব ক্ষয়নার না থাকে তাহলে কি আমি আমার যুক্তরাষ্ট্রে অবস্থানরত আত্মায়ের কাছে ক্ষয়ন করার জন্য ছবি পাঠাতে পারি, সে ছবিগুলো ক্ষয়ন করার পর একটি ডিক্ষেতে সেভ করে আবেদন করার জন্য ছবিসহ ডিক্ষেতে ডাকযোগে আমার কাছে ফেরত পাঠাতে পারে?

হ্যাঁ, এটা করা যেতে পারে যদি এই সকল ছবি ডিভি-র নিয়মাবলীতে উল্লিখিত চাহিদা পূরণ করে এবং অনলাইনে ই-ডিভি আবেদনপত্র জমা দেয়ার সময় একই সাথে যদি ইলেক্ট্রনিক্যালি আবেদনকারীর ছবিও জমা দেয়া হয়। অনলাইনে আবেদনপত্র জমা

দেরার সময় এ থেকে ছবির ফাইল আলাদা করা যাবে না। অনলাইনে প্রত্যেক ব্যক্তির কেবলমাত্র একটি আবেদনপত্রই জমা দেয়া যাবে। কোন ব্যক্তি যদি একের অধিক আবেদনপত্র জমা দেয় তাহলে ডিভি-২০০৯ কর্মসূচীর জন্য তার আবেদনপত্র বাতিল বলে গণ্য হবে। একই রকমভাবে সম্পূর্ণ একটি আবেদনপত্র (ছবি এবং আবেদনপত্র একত্রে) ইলেক্ট্রনিকভাবে যুক্তরাষ্ট্র থেকে বা অন্য দেশ থেকেও জমা দেয়া যাবে।

২৭. আমি কি অনলাইনে আবেদনপত্রটি সেভ করে রাখতে পারি যাতে এর একটি অংশ পূরণ করে পরবর্তীতে ক্ষিরে এসে আবার বাকি অংশ পূরণ করতে পারি?

না, তা করা যাবে না। ই-ডিভি আবেদনপত্র এমনভাবে প্রণয়ন করা হয়েছে যাতে এক বারে বসে এটা পূরণ করে একবারেই জমা দিয়ে দিতে হয়। এই আবেদনপত্রটি দু'টি অংশে বিভক্ত এবং সম্ভাব্য নেটওয়ার্ক সংযোগ বিচ্ছিন্ন হওয়া এবং বিলম্বের জন্য ইলেক্ট্রনিক-ডিভি ব্যবস্থা এমনভাবে ডিজাইন করা হয়েছে যাতে ফর্মটি ডাউনলোড করা থেকে শুরু করে ই-ডিভি-র ওয়েবসাইটে এটি জমা দেয়া পর্যন্ত পুরো প্রক্রিয়াটির জন্য সময় দেয়া হয়েছে ৬০ মিনিট। যদি ৬০ মিনিটের বেশি সময় অতিক্রান্ত হয়ে যায় এবং আবেদনপত্রটি ইলেক্ট্রনিক্যালি সম্পর্ক করা সম্ভব না হয় তাহলে যতো তথ্য প্রদান করা হয়েছে তা বাতিল হয়ে যাবে। এই পদক্ষেপটি গ্রহণ করা হয়েছে এই কারণে যে যাতে করে পরবর্তীতে সম্পূর্ণভাবে পূরণ করে জমা দেয়া আবেদনপত্রটি কোনভাবেই আংশিক পূরণ করা আবেদনপত্রটির ডুপ্লিকেট হিসেবে গৃহীত না হয়। উদাহরণ হিসেবে বলা যেতে পারে, ধরা যাক স্ত্রী ও সন্তানসহ একজন আবেদনকারী ই-ডিভি আবেদনপত্রের প্রথম অংশটি পূরণ করে পাঠালো এবং এবং তারপর আবেদনপত্রের দ্বিতীয় অংশটি পেলো কিন্তু ওই দ্বিতীয় অংশটি পূরণ করে পাঠাতে তার বিলম্ব হয়ে গেলো কারণ যে ফাইলটিতে তার সম্পত্তির ছবি রয়েছে সেটি খুঁজে পেতে তার সমস্যা হচ্ছিলো। সম্পূর্ণভাবে পূরণ করা ফর্মটির দ্বিতীয় অংশটি যদি নির্ধারিত ৬০ মিনিটের মধ্যে আবেদনকারী পাঠিয়ে দিতে পারে এবং ওই নির্ধারিত সময়ের মধ্যেই যদি ই-ডিভি ওয়েবসাইট সেটি পেয়ে যায় তাহলে কোন সমস্যা নেই। কিন্তু ফর্মটির দ্বিতীয় অংশ যদি নির্ধারিত ৬০ মিনিট পার হবার পরে পৌঁছায় তাহলে তাহলে আবেদনকারীকে জানিয়ে দেয়া হবে যে তাকে ওই পুরো প্রক্রিয়াটি পুনরায় নতুন করে শুরু করতে হবে। ই-ডিভি আবেদনপত্রটি পূরণ করতে কি কি তথ্যাদি প্রয়োজন তা ডিভি-২০০৯-এর নিয়মাবলীতে পরিষ্কার করে ও সম্পূর্ণভাবে ব্যাখ্যা করা হয়েছে। অনলাইনে ফর্মটি পূরণ শুরু করার আগে আপনার কাছে যে সমস্ত তথ্যাবলীই রয়েছে তা নিশ্চিত হবার জন্য আপনি এই ভাবে নিজেকে প্রস্তুত করতে পারেন।

২৮. আবেদনপত্রের সাথে জমা দেয়া ডিজিটাল ছবিগুলো যদি চাহিদার সাথে সঙ্গতিপূর্ণ না হয়, তাহলে সম্পূর্ণ প্রক্রিয়ায় বলে দেয়া হয়েছে যে সিস্টেম স্বয়ংক্রিয়ভাবেই ই-ডিভি আবেদনপত্রটি বাতিল করে দেবে এবং আবেদনকারীকে জানিয়ে দেবে। এর অর্থ কি এই যে আমি পুনরায় আবেদনপত্র জমা দিতে পারবো?

হ্যাঁ, আবেদনপত্র পুনরায় জমা দেয়া যাবে। যেহেতু আবেদনপত্রটি স্বয়ংক্রিয়ভাবেই প্রত্যাখ্যাত হয়েছে তাই সেটিকে ই-ডিভি ওয়েবসাইটে জমা পড়েছে বলে গৃহীত হচ্ছে না। এটি একটি জমা পড়া আবেদনপত্র হিসেবে গণ্য হচ্ছে না এবং এর ফলে রিটার্ন রিসিট ও পাঠানো হচ্ছে না। আবেদনপত্রের সাথে পাঠানো ডিজিটাল ছবিতে যদি কোন সমস্যা থাকে অর্থাৎ তা যদি চাহিদামাফিক না হয় তাহলে ই-ডিভি ওয়েবসাইট স্বয়ংক্রিয়ভাবেই তা বাতিল করে দেবে। তবে, আবেদনপত্র বাতিল হবার মেসেজ বা ই-মেইল বার্তাটি কতোক্ষণে আবেদনকারীর কাছে পৌঁছাবে তা ইন্টারনেটের প্রকৃতির কারণে আগে থেকে বলা সম্ভব নয়। আবেদনকারী নিজেই যদি সমস্যার সমাধান করতে পারে এবং আবেদনপত্রে প্রথম বা দ্বিতীয় অংশ যদি নির্ধারিত ৬০ মিনিটের মধ্যেই পুনরায় পাঠিয়ে দিতে পারে তাহলে কোন সমস্যা নেই। অন্যথায়, পুরো ডিভি আবেদনের প্রক্রিয়াটি পুনরায় শুরু করতে হবে। ই-ডিভি ওয়েবসাইট একটি সম্পূর্ণ আবেদনপত্র গ্রহণ করে কলফার্মেশন নোটিশ না পাঠানো পর্যন্ত আবেদনকারী প্রয়োজন অনুযায়ী যতোবার খুশি আবেদনপত্র পাঠাতে পারবে।

২৯. ই-ডিভি ওয়েবসাইট যে একটি সম্পূর্ণভাবে পূরণ করা আবেদনপত্র লাভ করেছে তার কনফার্মেশন নোটিশ কি আবেদনপত্র জমা দেয়ার সাথে সাথে পাঠানো হবে?

ই-ডিভি ওয়েবসাইট যে একটি সম্পূর্ণভাবে পূরণ করা আবেদনপত্র লাভ করেছে তা জানানোর জন্য একটি কনফার্মেশন নোটিশ ই-ডিভি ওয়েবসাইট তৎক্ষণিকভাবেই প্রেরণ করবে কিন্তু ওই মেসেজ বা ই-মেইল বার্তাটি কতোক্ষণে আবেদনপত্র প্রেরণকারীর কাছে পৌছাবে তা ইন্টারনেটের প্রকৃতির কারণে আগে থেকে বলা সম্ভব নয়। ফর্মে ‘সার্বিচ্ট’ বাটন চাপ দেয়ার পর অনেকগুলো মিনিট যদি পার হয়ে যায় তাহলে দ্বিতীয় বার ‘সার্বিচ্ট’ বাটন চাপ দেয়ায় কোন ক্ষতি নেই। দ্বিতীয় বার ‘সার্বিচ্ট’ বাটন চাপ দিলে ই-ডিভি সিস্টেম ইধাওয়িত হয়ে পড়বে না কারণ তখন পর্যন্ত কোন কনফার্মেশন নোটিশ এসে পৌছায়নি। ই-ডিভি ওয়েবসাইট একটি সম্পূর্ণ আবেদনপত্র গ্রহণ করে কনফার্মেশন নোটিশ না পাঠানো পর্যন্ত আবেদনকারী প্রয়োজন অনুযায়ী যতোবার খুশি আবেদনপত্র পাঠাতে পারবে।

৩০. আমি কিভাবে জানতে পারবো যে আমি ডিভি লটারী জয়ের যে নোটিফিকেশন পেয়েছি এবং তা আসলেই নির্ভরযোগ্য? আমি কিভাবে নিশ্চিত হবো যে আমি কোনরকম বাছবিচার ছাড়া নির্বাচন পদ্ধতির মাধ্যমে ডিভি লটারীতে নির্বাচিত হয়েছি?

পররাষ্ট দফতরের ই-ডিভি লটারী কম্পিউটার প্রোগ্রামের মাধ্যমে সকল আবেদনপত্রের মধ্যে কোন বাছবিচার ছাড়াই যাদের নির্বাচিতকরা হবে তাদের ই-মেইলে যোগাযোগ করা হবে না। যারা নির্বাচিত হবেন তাদেরকে ২০০৮ সালের মে থেকে জুলাই মাসের মধ্যে চিঠি পাঠিয়ে জানিয়ে দেয়া হবে সেই ঠিকানায় যা তারা ই-ডিভির মূল আবেদনপত্রে উল্লেখ করেছেন। শুধুমাত্র নির্বিচারে বাছাইকৃত আবেদনকারীদেরকেই যোগাযোগ করা হবে। যারা নির্বাচিত হবেন না তারা কোন নোটিফিকেশন পাবেন না। বিভিন্ন দেশে যুক্তরাষ্ট্রের দৃতাবাস এবং কনস্যুলেটসমূহ সফল আবেদনকারীদের তালিকা দিতে সক্ষম হবে না।

কেন্টাকি কনসুলার সেন্টার (KCC) নির্বাচিত আবেদনকারীদের চিঠি পাঠাবে। এই চিঠিতে ভিসা আবেদন প্রক্রিয়া সম্পর্কিত তথ্য থাকবে। এই নির্দেশাবলীতে উল্লেখ থাকবে যে নির্বাচিত আবেদনকারীদের সকল ভিসা (ইমিগ্রেশন ভিসা এবং ডিভি) ফি ব্যক্তিগতভাবে শুধুমাত্র ইন্টারভিউ-এর দিন সংশ্লিষ্ট এস্বেসী বা কনসুলেটে জমা দিতে হবে। কনসুলার ক্যাশিয়ার বা কনসুলার অফিসার তৎক্ষণিকভাবে একটি রিসিট প্রদান করবেন যাতে বর্ণিত থাকবে ফি যুক্তরাষ্ট্র সরকার বরাবরে প্রদান করা হয়েছে। ডিভি ফি'র টাকা কোনভাবে চিঠি, ওয়েস্টার্ন ইউনিয়ন বা এই ধরনের কোন ডেলিভারী সার্ভিসের মাধ্যমে কখনোই পাঠাবেন না।

ই- ডিভি লটারীর আবেদনপত্র ইন্টারনেটে মার্কিন যুক্তরাষ্ট্র সরকারের অফিশিয়াল ওয়েবসাইটে www.dvlottery.state.gov দেওয়া আছে। KCC শুধুমাত্র নির্বাচিত আবেদনকারীদেরকে চিঠি পাঠিয়ে যোগাযোগ করে। সরকার কখনোই ই-মেইলের মাধ্যমে যোগাযোগ করে নাই এবং ভবিষ্যতে ডিভি ২০০৯ কর্মসূচীতে ই-মেইলের মাধ্যমে কোন নির্বাচিত আবেদনকারীকে যোগাযোগ করার পরিকল্পনা নাই।

যুক্তরাষ্ট্র পররাষ্ট দফতরের ভিসা অফিস জনসাধারনকে জানিয়ে থাকে যে শুধুমাত্র যেইসব ইন্টারনেট সাইটে ".gov" সূচক রয়েছে শুধুমাত্র সেগুলো সরকারী অফিশিয়াল ওয়েবসাইট। অন্যান্য অনেক বেসরকারী ওয়েবসাইট (যাদের ঠিকানার শেষে .com, .org, .net রয়েছে) ইমিগ্রেশন ভিসা সংক্রান্ত উপযুক্ত এবং প্রয়োজনীয় তথ্য ও সেবা প্রদান করে থাকে। এই সমস্ত বেসরকারী ওয়েবসাইটে প্রাণ্য তথ্য বা উপকরণ সম্পর্কে পররাষ্ট দফতরের কোন প্রকার সমর্থন, প্রতিশ্রুতি বা সুপারিশ করে না।

কিছি ওয়েবসাইট অফিসিয়াল ওয়েবসাইট হিসেবে জনসাধারনকে বিজ্ঞাপ্ত করে থাকে এবং তাদের প্রস্তাবে প্রদূক্ষ করার চেষ্টা করে। এই ওয়েবসাইটগুলো আপনাকে বিভিন্ন ধরনের ভিসা সার্ভিসের (যেমন, ফর্ম, তথ্য, ইমিগ্রেশন প্রক্রিয়া ইত্যাদি) জন্য টাকা প্রদান করতে প্রয়োচিত করবে, যেখানে এই তথ্য পররাষ্ট দফতরের অফিশিয়াল ওয়েবসাইটে এবং এস্বেসীর কনসুলার সেকশন ওয়েবসাইটে কোন ফি ছাড়াই জানা যাবে। উপরন্তু এই ওয়েবসাইটগুলো এমনসব সেবার

জন্য ফি প্রদান করতে বাধ্য করবে যা আসলে আপনি পাবেন না। এবং অনেকক্ষেত্রেই ডিভি ফি হিসাবে আপনার টাকা আত্মসাধ করার চেষ্টা করবে। আপনি যদি কখনও এই ধরনের প্রতারকদের টাকা পাঠান তবে আপনি তা কখনও ফেরত পাবেন না। আপনাকে আরো সতর্ক থাকতে হবে যাতে আপনি এই সমস্ত ওয়েবসাইটে কোন ব্যক্তিগত তথ্য প্রদান না করেন যা পরবর্তীতে আপনার পরিচয় জালিয়াতি/চুরিতে সহায় হতে পারে।

৩১. আমি কিভাবে ইন্টারনেট জালিয়াতি বা অ্যাচিত ই-মেইলের ব্যাপারে সংশ্লিষ্ট কর্তৃপক্ষকে জানাতে পারবো?

আপনি যদি ইন্টারনেট জালিয়াতির ব্যাপারে নালিশ জানাতে চান তাহলে Federal Trade Commission পরিচালিত econsumer.gov ওয়েবসাইট (<http://www.econsumer.gov/english/>) পরিদর্শন করুন, যা ১৭ টি দেশের ভোক্তা সংরক্ষন এজেন্সীর সম্মিলিত প্রচেষ্টায় পরিচালিত হয়। অথবা, আপনি Federal Bureau of Investigation (FBI) এর Internet Crime Complaint Center এ যোগাযোগ করতে পারেন। আপনি যদি অ্যাচিত ই-মেইল সংক্রান্ত তথ্য প্রদান করতে চান তবে পররাষ্ট্র দফতরের Department of Justice contact us page এ যোগাযোগ করুন।

যে সব দেশের নাগরিক ডিভি-২০০৯ আবেদন করার যোগ্য, অঞ্চল ভিত্তিতে সেই সব দেশের তালিকা

চলতি বছরের ডাইভারসিটি কর্মসূচীর জন্য প্রতিটি ভৌগোলিক অঞ্চলের যে সব দেশের অধিবাসীরা আবেদন করার যোগ্য তার তালিকা এখানে দেয়া হলো। পররাষ্ট্র দফতরের ভূগোল বিশারদদের প্রদত্ত তথ্যের ওপর ভিত্তি করে প্রতিটি অঞ্চলের মধ্যে দেশসমূহ নির্ধারণ করা হয়েছে। যে সব দেশের নাগরিক ডিভি-২০০৯ কর্মসূচীতে আবেদন করতে পারবে না সেগুলো চিহ্নিত করেছে ‘ইউ.এস. সিটিজেনশীপ অ্যান্ড ইমিগ্রেশন সার্ভিসেস’ (ইউএসসিআইএস)। অভিবাসন ও জাতীয়তা আইনের ২০৩(গ) ধারায় বর্ণিত ফর্মুলা অনুসারে তা করা হয়েছে।
বিদেশে নির্ভরশীল এলাকাসমূহ শাসক দেশের অঞ্চলের মধ্যে অন্তর্ভুক্ত। যে সব দেশের নাগরিক ডাইভারসিটি কর্মসূচীতে (কারণ এই দেশগুলোই পারিবারিক পৃষ্ঠপোষকতায় এবং চাকুরি-ভিত্তিক অভিবাসন অথবা যুক্তরাষ্ট্রে “উচ্চ প্রবেশের” হার-এর প্রধান উৎস দেশ) আবেদন করার যোগ্য নয় সেগুলোর নাম সেই সেই সেই অঞ্চলের তালিকার শেষে উল্লেখ করা হয়েছে।

আফ্রিকা

আলজেরিয়া
অ্যাঙ্গোলা
বেনিন
বতসোয়ানা
বুর্কিনা ফাসো
বুর্কিন্তি
ক্যামেরুন
কেপ ভার্দে
মধ্য আফ্রিকান প্রজাতন্ত্র
চাদ
কমোরস
কঙ্গো
কঙ্গো গণতান্ত্রিক প্রজাতন্ত্র
আইভোরি কোস্ট

জিবুতি
মিশর
ইকুয়েটরিয়াল গিনি
ইরিত্রিয়া
ইথিওপিয়া
গ্যাবন
গান্ধীয়া
ঘানা
গিনি
গিনি বিসাউ
কেনিয়া
লেসোথো
লাইবেরিয়া
লিবিয়া
মাদাগাস্কার
মালাওয়ি
মালে
মেরিটানিয়া
মারিশাস
মরকো
মোজাম্বিক
নামিবিয়া
নাইজের
নাইজেরিয়া
রুহান্ডা
সাও টোম ও প্রিন্সিপি
সেনেগাল
সেশেল্স
সিয়েরা লিওন
সোমালিয়া
দক্ষিণ আফ্রিকা
সুদান
সোয়াজিল্যান্ড
তাঙ্গানিয়া
টোগো
তিউনিসিয়া
উগান্ডা
জান্মিয়া
জিম্বাবুয়ে

এশিয়া

আফগানিস্থান
বাহরাইন
বাংলাদেশ

ভুটান
ক্রনেই
বার্মা
কখন্দিয়া
পূর্ব তিমুর
হংকং (বিশেষ প্রশাসনিক এলাকা)
ইন্দোনেশিয়া
ইরান
ইরাক
ইসরায়েল
জাপান
জর্ডান
কুয়েত
লাওস
লেবানন
মালয়েশিয়া
মালদ্বীপ
মঙ্গোলিয়া
নেপাল
উত্তর কোরিয়া
ওমান
কাতার
সৌদি আরব
সিঙ্গপুর
শ্রীলংকা
সিরিয়া
তাইওয়ান
থাইল্যান্ড
সংযুক্ত আরব আমিরাত
ইয়েমেন

নিচে উল্লিখিত এশীয় দেশসমূহ চলতি বছরের ডাইভারসিটি কর্মসূচীতে আবেদন করার যোগ্য নয়: চীন (মূল ভূ-খণ্ডে জন্মগ্রহণকারী), ভারত, পাকিস্থান, দক্ষিণ কোরিয়া, ফিলিপাইস, এবং ভিয়েতনাম। হংকং এসএআর, এবং তাইওয়ানে জন্মগ্রহণকারীগণ আবেদন করতে পারবেন এবং তালিকায় তাদের নাম উল্লেখ করা হয়েছে। ম্যাকাও এসএআর-এর বাসিন্দারাও আবেদন করার যোগ্য এবং তালিকায় নাম রয়েছে।

ইউরোপ

আলবেনিয়া
অ্যান্ডোরা
আরমেনিয়া
অস্ট্রিয়া
আজারবাইজান
বেলারুশ

বেলজিয়াম
বসনিয়া ও হার্জিগোভিনা
বুলগেরিয়া
ক্রোয়াশিয়া
সাইপ্রাস
চেক প্রজাতন্ত্র
ডেনমার্ক (নির্ভরশীল এলাকাসমূহসহ)
এস্টেনিয়া
ফিনল্যান্ড
ফ্রান্স (নির্ভরশীল এলাকাসমূহসহ)
জার্জিয়া
জার্মানী
গ্রীস
হাঙ্গেরি
আইসল্যান্ড
আয়ারল্যান্ড
ইটালি
কাজাখস্থান
কিরghিজস্থান
লাটভিয়া
লাইখটেনস্টাইন
লিথুয়ানিয়া
লুক্সেমবুর্গ
ম্যাকাও বিশেষ প্রশাসনিক অঞ্চল
মেসিডোনিয়া, সাবেক যুগোস্লাভ প্রজাতন্ত্র
মাল্টি
মলদোভা
মোনাকো
নেদারল্যান্ডস (নির্ভরশীল এলাকাসমূহসহ)
উক্তর আয়ারল্যান্ড
নরওয়ে
পর্তুগাল (নির্ভরশীল এলাকাসমূহসহ)
রোমানিয়া
স্যান ম্যারিনো
সার্বিয়া
স্লোভাকিয়া
স্লোভেনিয়া
স্পেন
সুইডেন
সুইজারল্যান্ড
তাজিকিস্থান
তুরস্ক
তুর্কমেনিস্থান
ইউক্রেন
উজবেকিস্থান

ভ্যাটিকান সিটি

নিচে উল্লিখিত ইউরোপীয় দেশসমূহ চলতি বছরের ডাইভারসিটি কর্মসূচীতে আবেদন করার যোগ্য নয়:

ফ্রেট ব্র্টেন, পোলান্ড ও রাশিয়া। ফ্রেট ব্র্টেনের (যুক্তরাজ্য) মধ্যে যে সব এলাকা অন্তর্ভুক্ত সেগুলো হলো: অ্যাঙ্গুইলা, বারমুডা, বৃটিশ ভার্জিন আইল্যান্ডস, কেম্যান আইল্যান্ডস, ফকল্যান্ড আইল্যান্ডস, জিভ্রাল্টার, মনসেরাত, পিটকেয়ার্ন, সেন্ট হেলেনা, টার্কিস ও কেকোস আইল্যান্ডস। এখানে উল্লেখ্য যে কেবলমাত্র ডাইভার্সিটি কর্মসূচীর জন্য উত্তর আয়ারল্যান্ডকে আলাদাভাবে বিবেচনা করা হয়েছে। উত্তর আয়ারল্যান্ডের বাসিন্দারা ডিভি কর্মসূচীতে আবেদন করার যোগ্য_এবং যোগ্য অধিবেশনের তালিকায় এর নাম অন্তর্ভুক্ত করা হয়েছে।

উত্তর আমেরিকা

বাহামা দ্বীপপুঁজি

উত্তর আমেরিকায় কানাডা ও মেক্সিকোর বাসিন্দারা এ বছরের ডাইভারসিটি কর্মসূচীতে আবেদন করার যোগ্য নয়।

ওশেনিয়া

অস্ট্রেলিয়া (নির্ভরশীল এলাকাসমূহসহ)

ফিজি

কিরিবাতি

মার্শাল আইল্যান্ডস

মাইক্রোনেশিয়া

নাউরু

নিউ জিল্যান্ড (নির্ভরশীল এলাকাসমূহসহ)

পালাউ

পাপুয়া নিউ গিনি

সলোমন আইল্যান্ডস

টোঙ্গা

তুভালু

ভানুয়াতু

সামোয়া

দক্ষিণ আমেরিকা, মধ্য আমেরিকা, এবং ক্যারিবীয় দ্বীপপুঁজি

অ্যাঞ্চিটগুয়া ও বারবুড়া

আজেন্টিনা

বারবাডোস

বেলিজ

বলিভিয়া

চিলি

কোস্টা রিকা

কিউবা
ডমিনিকা
ইকুয়েডর
গ্রেনাডা
গুয়াতেমালা
গায়ানা
হন্দুরাস
নিকারাগুয়া
পানামা
প্যারাগুয়ে
সেইন্ট কিট্স ও নেভিস
সেইন্ট লুসিয়া
সেইন্ট ভিনসেন্ট ও দি গ্রেনাডাইন্স
সুরিনাম
ত্রিনিদাদ ও টোবাগো
উর"গুয়ে
ভেনেজুয়েলা

এই অঞ্চলের যে সব দেশ চলতি বছরের ডাইভারসিটি কর্মসূচীতে আবেদন করার যোগ্য নয় সেগুলো হলো:
আজিল, কলম্বিয়া, ডমিনিকান প্রজাতন্ত্র, এল সালভাদর, হাইতি, জ্যামাইকা, পেরু এবং মেক্সিকো।